



**MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PRESIDENCIA, XUSTIZA E DEPORTES E A REAL FEDERACIÓN ESPAÑOLA DE PIRAGÜISMO**

(1) Esta consellería, Consellería de Presidencia Xustiza e Deportes, é o órgano da Administración autonómica que ten atribuído o exercicio das competencias en materia de deporte.

No mencionado ámbito material, constitúe un dos obxectivos a regulación e fomento do deporte e aos deportistas de alto nivel de Galicia e establecer e, no seu caso, recoñecer os centros de alto nivel deportivo da Comunidade Autónoma.

**(2) Antecedentes:**

Conforme ao establecido no Estatuto de Autonomía de Galicia, a Comunidade Autónoma galega asume a competencia exclusiva na materia da promoción do deporte (artigo 27.22), correspondéndolle á Consellería de Presidencia, Xustiza e Deportes, a través da Secretaría Xeral para o Deporte, as competencias de elaboración, proposta e execución da política do goberno galego en materia de deportes, conforme ao establecido no Decreto 136/2024, do 20 de maio, polo que se establece a súa estrutura orgánica.

A Xunta de Galicia é titular do Centro Galego de Tecnificación Deportiva (en adiante CGTD), adscrito á Consellería de Presidencia, Xustiza e Deportes, clasificado polo Consello Superior de Deportes como centro de tecnificación, en virtude da Resolución do 27 de maio de 2014, da Dirección Xeral de Deportes, pola que se clasifican as instalacións e os programas deportivos para o desenvolvemento do deporte de alto nivel e de competición.



No C.G.T.D. desenvólvense, de forma coordinada coas correspondentes federacións galegas, distintos programas deportivos de tecnificación e alto rendemento, entre os que se atopa o da modalidade deportiva de piragüismo, desenvolto en coordinación coa Federación Española de Piragüismo. A estes efectos, o 10 de abril de 2025 asinouse un convenio de colaboración entre a Consellería de Presidencia, Xustiza e Deportes e a Real Federación Española de Piragüismo para o desenvolvemento dun programa de alto rendemento no Centro Galego de Tecnificación Deportiva. Entre os compromisos da Consellería de Presidencia, Xustiza e Deportes recolleitos na súa cláusula terceira figuran a colaboración nos gastos derivados do aloxamento dos integrantes do programa de alto rendemento “Canoa” no período de xaneiro a agosto de 2025 e no custo laboral dun técnico adestrador do equipo de alto rendemento, designado pola RFEP durante o período de xaneiro a agosto 2025. Os devanditos compromisos establécense que serán plasmados nun convenio específico no que se detallan as condicións concretas para a efectividade dos mesmos, podendo complementarse con outros gastos de natureza corrente asociados a este programa.

A Real Federación Española de Piragüismo é unha entidade de utilidade pública que goza de personalidade xurídica e capacidade de obrar propias para o cumprimento dos seus fins, que se rexe pola Lei 39/2022, do 30 de decembro, do Deporte. Ademais das súas competencias propias de goberno, administración, xestión, organización e regulamentación do piragüismo, exerce no ámbito das súas funcións propias de carácter privado, entre outras, de conformidade co artigo 51, apartado g), da citada norma, as relativas ao deseño, elaboración e execución, no marco das súas competencias e en coordinación, no seu caso, coas federacións de ámbito autonómico, os plans de preparación das persoas calificadas de alto nivel e de alto rendemento na súa respectiva modalidade ou especificidade deportiva.

Por Resolución do 6 de maio de 2025, da Dirección Xeral de Deportes do Consello Superior de Deportes, pola que se clasifican novos centros e programas deportivos e regularízase a rede de centros estatal do ano



2025 (BOE/BOE nº 118, do 16 de maio), aprobouse a clasificación, entre outros, dos seguintes programas deportivos de Alto Rendemento (AR):

- Programa de Alto rendemento de Piragüismo-Sprint canoa masculino no CTD Galego de Pontevedra.
- Programa de Alto rendemento de Piragüismo-Sprint canoa feminino no CTD Galego de Pontevedra.

Unha vez recoñecida a clasificación dos devanditos programas como programas de Alto Rendemento, é do interese da Consellería de Presidencia, Xustiza e Deportes, a través da Secretaría Xeral para o Deporte, e da Federación Española de Piragüismo o desenvolvemento dos programas de Alto Rendemento na especialidade de Piragüismo Sprint Canoa Home e Muller no Centro Galego de Tecnificación Deportiva, orientados á preparación para a participación en competicións internacionais, tanto campionatos de Europa como campionatos do mundo e á preparación do equipo olímpico para a participación nas olimpíadas de Los Ángeles 2028 nas devanditas modalidades. Ditos grupo de alto rendemento están integrados actualmente por 9 deportistas dos que 5 son galegos. A finalidade deste convenio é determinar as condicións da colaboración para o desenvolvemento e boa consecución dos devanditos programas para este novo ciclo olímpico.

Por todo o exposto, considérase de gran interese a colaboración das partes asinantes, non sendo posible promover a concorrència pública resultando, polo tanto, de aplicación o artigo 19.4 da Lei 9/2007, do 13 de xullo, de subvencións de Galicia.

(3) **Finalidade:** Para os efectos sinalados, tense previsto formalizar coa Real Federación Española de Piragüismo o instrumento convencional arriba referido por un período de vixencia que abrangue dende o 1 de xaneiro de 2025 ata o 31 de agosto de 2025.

O convenio ten por obxecto establecer a colaboración entre a Federación Española de Piragüismo e a Consellería de Presidencia,



Xustiza e Deportes, a través da Secretaría Xeral para o Deporte, para o desenvolvemento dos programas de Alto Rendemento na especialidade de Piragüismo Sprint Canoa Home e Muller orientados á preparación para a participación en competicións internacionais, tanto campionatos de Europa como campionatos do mundo e á preparación do equipo olímpico para a participación nas olimpíadas de Los Ángeles 2028 nas devanditas modalidades, no Centro Galego de Tecnificación Deportiva.

(5) O instrumento convencional que se pretende asinar fundaméntase no seguinte:

I. Que no C.G.T.D. desenvólvense, de forma coordinada coas correspondentes federacións galegas, distintos programas deportivos de tecnificación e alto rendemento, entre os que se atopa o da modalidade deportiva de piragüismo, desenvolto en coordinación coa Federación Española de Piragüismo. A estes efectos, o 10 de abril de 2025 asinouse un convenio de colaboración entre a Consellería de Presidencia, Xustiza e Deportes e a Real Federación Española de Piragüismo para o desenvolvemento dun programa de alto rendemento no Centro Galego de Tecnificación Deportiva. Entre os compromisos da Consellería de Presidencia, Xustiza e Deportes recollidos na súa cláusula terceira figuran a colaboración nos gastos derivados do aloxamento dos integrantes do programa de alto rendemento “Canoa” no período de xaneiro a agosto de 2025 e no custo laboral dun técnico adestrador do equipo de alto rendemento, designado pola RFEP durante o período de xaneiro a agosto 2025. Devanditos compromisos establécese que serán plasmados nun convenio específico no que se detallan as condicións concretas para a efectividade dos mesmos, podendo complementarse con outros gastos de natureza corrente asociados a este programa.

II. Que por Resolución do 6 de maio de 2025, da Dirección Xeral de Deportes do Consello Superior de Deportes, pola que se clasifican novos centros e programas deportivos e regularízase a rede de centros estatal do ano 2025 (BOE/BOE nº 118, do 16 de maio), aprobouse a



clasificación, entre outros, dos seguintes programas deportivos de Alto Rendemento (AR):

- Programa de Alto rendemento de Piragüismo-Sprint canoa masculino no CTD Galego de Pontevedra.
- Programa de Alto rendemento de Piragüismo-Sprint canoa feminino no CTD Galego de Pontevedra.

III. Que unha vez recoñecida a clasificación dos devanditos programas como programas de Alto Rendemento, é do interese da Consellería de Presidencia, Xustiza e Deportes, a través da Secretaría Xeral para o Deporte, e da Federación Española de Piragüismo o desenvolvemento dos programas de Alto Rendemento na especialidade de Piragüismo Sprint Canoa Home e Muller no Centro Galego de Tecnificación Deportiva, orientados á preparación para a participación en competicións internacionais, tanto campionatos de Europa como campionatos do mundo e á preparación do equipo olímpico para a participación nas olimpíadas de Los Ángeles 2028 nas devanditas modalidades, e integrados actualmente por 9 deportistas dos que 5 son galegos. A finalidade deste convenio é determinar as condicións da colaboración para o desenvolvemento e boa consecución dos devanditos programas para este novo ciclo olímpico.

A achega económica da Consellería de Presidencia, Xustiza e Deportes, ao abeiro do presente convenio ten un carácter de interese público, de acordo co artigo 26.2 da Lei 9/2007, do 13 de xullo, de subvencións de Galicia, porque contribuirá a promover a participación e desenvolvemento dos deportistas galegos na alta competición e ao desenvolvemento dos programas recoñecidos como programas de Alto Rendemento no ámbito da Comunidade Autónoma galega.

A Consellería de Presidencia, Xustiza e Deportes colaborará no financiamento dos gastos de natureza corrente subvencionables asumidos pola Real Federación Española de Piragüismo ata un máximo de trinta e dous mil euros (32.000 €) con cargo á



partida orzamentaria **05.02.441A.481.0** dos orzamentos xerais da Comunidade Autónoma de Galicia para o ano 2025.

(7) Polo exposto, considérase xustificada a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do sector público, con independencia de que, ao abeiro do previsto no artigo 4 da dita norma, lle sexan de aplicación os principios desta lei para resolver as dúbidas e lagoas que se poidan presentar.

Santiago de Compostela,  
O secretario xeral para o deporte  
José Ramón Lete Lasa  
(*documento asinado dixitalmente*)

